

# All in for Kids

## Lub Khoos Kas Birth to 3 (Tus Me Nyuam Yug Kiag txog 3 Xyoos) Tsev Neeg Tsab Ntawv Xov Xwm

All in for Kids (Tag Nrho Rau Me Nyuam): Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib phau ntawv xov xwm uas yuav pab qhia rau koj thiab koj tsev neeg paub meej txog cov kev pab cuam uas muaj muab los ntawm Lub Khoos Kas Birth to 3 (Tus Me Nyuam Yug Kiag txog 3 Xyoos). Tsab ntawv xov xwm yog sau tawm los ntawm Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv) (DHS).



## Nkag siab txog koj cov cai hauv Lub Khoos Kas Birth to 3 (Tus Me Nyuam Yug Kiag txog 3 Xyoos)

(Understanding your rights in the Birth to 3 Program)

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) nyob ntawm no txhawm rau los pab txhawb koj tus me nyuam txoj kev loj hlob thiab pab koj tsev neeg kom tau txais cov kev pab cuam uas koj xav tau. Tam li yog tsev neeg hauv lub khoos kas, koj muaj cai pab tiv thaiv koj tus me nyuam thiab qhia txog cov kev pab cuam uas koj tau txais. Kev paub thiab nkag siab txog cov cai no tso cai rau koj los txiav txim siab txog koj tus me nyuam txoj kev cuam tshuam thaum ntxov.

H

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

## Koj cov kev muaj cai tam li yog tsev neeg

Tam li yog tsev neeg uas tau tso npe rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos), koj muaj cai tshwj xeeb los pab kom paub tseeb tias koj tau txais kev pab cuam thiab kev kho mob yam muaj kev ncaj ncees. Koj muaj txoj cai rau:

- **Cov kev pab cuam kev nkag cuag:** Koj tus me nyuam muaj cai tau txais kev pab cuam uas cuam tshuam nrog thaum ntxov, yog tias tsim nyog.
- **Koom nrog kev txiav txim siab:** Koj muaj cai koom tes nrog kev txiav txim siab txog koj tus me nyuam cov kev pab cuam thiab pab tsim individualized family service plan (txoj phiaj xwm muab kev pab cuam rau tsev neeg ib tse zuj zus) (IFSP).
- **Kev ceev ntiag tug thiab tsis pub leej twg paub:** Koj tus me nyuam cov ntaub ntawv qhia txog tus kheej tau raug tiv thaiv thiab tsis tuaj yeem muab nthuav tawm yam tsis tau txhais kev tso cai los ntawm koj.
- **Nkag siab txog koj cov kev xaiv:** Koj muaj cai yuav tau txais kev ceeb toom txog txhua yam kev pab cuam uas muaj thiab nug txog cov kev txhawb nqa uas koj tus me nyuam tau txais.
- **Kev daws cov kev txhawj xeeb:** Yog tias koj tsis pom zoo rau qhov kev txiav txim siab los ntawm lub khoos kas, koj muaj cai los qhia txog koj cov kev txhawj xeeb thiab nrhiav kev daws teeb meem.

## Cov cai lij choj uas tiv thaiv koj cov cai

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) ua raws li tsoom fwv teb chaws thiab lub xeev cov cai lij choj uas los lav tias cov me nyuam muaj kev loj hlob qeeb los sis muaj kev xiam oob qhab yuav tau txais cov kev pab cuam uas tsim nyog.

- Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA) Ntu C ([sites.ed.gov/idea/statute-chapter-33/subchapter-iv/part-c](https://sites.ed.gov/idea/statute-chapter-33/subchapter-iv/part-c)), yog tsoom fwv txoj cai lij choj uas ua rau muaj kev pab cuam thaum ntxov muaj rau cov me nyuam mos thiab cov me nyuam yaus xyaum nkag uas muaj kev xiam oob qhab.
- Wisconsin Tsab Cai Tswj Hwm DHS 90 ([docs.legis.wisconsin.gov/code/admin\\_code/dhs/030/90/Title](https://docs.legis.wisconsin.gov/code/admin_code/dhs/030/90/Title)) teeb tsa cov cai tshwj xeeb rau lub xeev hais txoj hauv kev los ua Lub Khoos Kas Birth to 3 (Tus Me Nyuam Yug Kiag txog 3 Xyoos).

Cov kev cai lij choj no xyuas kom paub tseeb tias txhua tus me nyuam yaus thiab txhua tsev neeg uas nyob hauv lub khoos kas no tau txais kev pab cuam muaj txiaj ntsig zoo raws li lawv cov kev xav tau.

## INDIVIDUALIZED FAMILY SERVICE PLAN (TXOJ PHIAJ XWM MUAB KEV PAB CUAM RAU TSEV NEEG IB TSE ZUJ ZUS) (IFSP) yog dab tsi?

IFSP yog ib daim ntawv uas muaj cov ntaub ntawv hais txog koj tsev neeg, cov txiaj ntsig (cov hom phiaj) uas koj tau teev tseg thiab cov kev pab cuam uas tau muab los pab rau koj tus me nyuam thiab tsev neeg kom ncaj cuag cov txiaj ntsig ntawd. Nws yog ib daim phiaj kom ncaj cuag txoj kev muaj yeej. Nws tau raug hloov kho, suav nrog yam uas koj xav tias tseem ceeb, thiab hloov kho tau raws li koj qhov kev loj hlob. Nws yog ib txoj hauv kev los ua kom paub tseeb tias koj tus me nyuam muaj kev lom zem uas tseem yog me nyuam yaus thaum uas kawm paub thiab loj hlob raws li lawv lub hnuv nyoog, uas muaj koj pab txhawb nqa lawv hauv txhua kauj ruam.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

## Yuav muaj dab tsi tshwm sim yog tias koj tsis pom zoo rau qhov kev txiav txim siab?

Pab pawg IFSP, uas suav nrog koj tsev neeg, yuav txiav txim siab ntau yam txog cov kev txhawb nqa thiab cov kev pab cuam rau koj tus me nyuam thiab tsev neeg. Tej zaum yuav muaj qee lub sij hawm uas koj muaj kev txhawj xeeb txog koj tus me nyuam cov kev pab cuam, kev tsim nyog, los sis cov txiaj ntsig tau los ntawm qhov kev ntsuam xyuas. Yog tias koj tsis pom zoo nrog qhov kev txiav txim, koj muaj ntau txoj hauv kev los daws cov teeb meem ntawd:

- **Tham nrog koj tus neeg lis hauj lwm pab cuam:** Nug cov lus nug thiab qhia koj cov kev txhawj xeeb txhawm rau kom nkag siab qhov kev txiav txim siab kom tau zoo dua qub.
- **Thov kev daws teeb meem:** Tus neeg thib peb uas saib kev ncaj nruab nrab tuaj yeem pab txhawb kev sib tham kom ncav cuag qhov kev pom zoo.
  - Mus saib [dhs.wi.gov/birthto3/mediation.htm](https://dhs.wi.gov/birthto3/mediation.htm) txhawm rau los kawm ntau ntiv txog kev daws teeb meem.
- **Thov rau ib lub rooj hais kev ncaj ncees:** Nov yog cov txheej txheem kev cai lij choj raws cai uas cov tub ceev xwm hais plaub yuav tshab xyuas koj qhov kev txhawj xeeb thiab txiav txim siab.
  - Mus saib [dhs.wi.gov/birthto3/hearings.htm](https://dhs.wi.gov/birthto3/hearings.htm) txhawm rau los kawm ntau ntiv txog kev hais plaub.
- **Ua ntawv tsis txaus siab IDEA:** Yog tias koj ntseeg tias lub khoos kas Birth to 3 (Tus Me Nyuam Yug Kiag txog 3 Xyoos) tsis ua raws li IDEA cov cai, koj tuaj yeem xa ntawv tsis txaus siab.
  - Mus saib [dhs.wi.gov/birthto3/complaints.htm](https://dhs.wi.gov/birthto3/complaints.htm) txhawm rau los kawm paub ntau ntiv hais txog seb yuav xa daim ntawv tsis txaus siab li cas.

Koj tus neeg lis hauj lwm saib xyuas kev pab cuam tuaj yeem qhia cov ntsiab lus ntawv ntiv txog txhua yam ntawm cov kev xaiv no thiab pab qhia koj txog cov txheej txheem.

## Txoj hauv kev los kawm paub ntau ntiv txog koj co kev muaj cai

Yog tias xav nkag siab txog koj cov kev muaj cai tam li yog ib tsev neeg hauv Lub Khoos Kas Birth to 3 (Tus Me Nyuam Yug Kiag txog 3 Xyoos), thov saib Koj Tus Me Nyuam thiab Tsev Neeg cov ntaub ntawv muaj cai hauv Lub Khoos Kas Birth to 3 (Tus Me Nyuam Yug Kiag txog 3 Xyoos) ([dhs.wi.gov/library/collection/p-21106](https://dhs.wi.gov/library/collection/p-21106)). Nws muab cov ncauj lus qhia ntawv ntiv txog koj qhov kev tiv thaiv thiab yuav ua li cas yog tias koj muaj kev txhawj xeeb.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

## Peb nyob ntawm no los pab koj!

Lub Khoos Kas Birth to 3 (Tus Me Nyuam Yug Kiag txog 3 Xyoos) tau cog lus tias yuav koom tes nrog cov tsev neeg los xyuas kom paub tseeb tias cov me nyuam tau txais cov kev pab cuam uas lawv xav tau. Yog tias koj muaj lus nug los sis xav tau kev pab, tsis txhob ua siab deb es los tham nrog koj tus kws muab kev pab cuam ib txwm los sis hu rau koj tus neeg lis hauj lwm saib xyuas kev pab cuam. Koj cov neeg lis hauj lwm saib xyuas kev pab cuam tuaj yeem saib tau ntawm koj tsev neeg qhov IFSP. Qhov kev nkag siab txog koj cov kev muaj cai, koj tuaj yeem xaiv qhov zoo tshaj plaws rau koj tus me nyuam txoj kev loj hlob thiab kev noj qab nyob zoo. ❖

## Nkag siab txog cov txiaj ntsig tau txais ntawm tus me nyuam hauv Lub Khoos Kas Birth to 3 (Tus Me Nyuam Yug Kiag txog 3 Xyoos)

Lub Khoos Kas Wisconsin Birth to 3 (Tus Me Nyuam Yug Kiag txog 3 Xyoos) yog tsim los pab rau cov me nyuam yaus uas muaj kev loj hlob qeeb thiab muaj kev xiam oob qhab, kev kawm paub, thiab kev vam meej. Ib txoj kev uas peb siv los ntsuas qhov kev cuam tshuam ntawm cov kev pab cuam uas cuam tshuam thaum ntxov no yog tau los ntawm cov txiaj ntsig uas tus me nyuam tau txais—ib txoj kev los taug qab xyuas tias cov me nyuam muaj kev loj hlob npaum li cas los ntawm kev txhawb nqa.

### Cov txiaj ntsig uas tus me nyuam tau txais yog dab tsi?

Cov txiaj ntsig uas tus me nyuam tau txais yog qhov los ntsuas tias tus me nyuam ua tau zoo npaum li cas hauv Lub Khoos Kas Birth to 3 (Tus Me Nyuam Yug Kiag txog 3 Xyoos) yog txhawm rau los pab koj tus me nyuam kawm paub thiab loj hlob. Txhua lub xeev, suav nrog xeev Wisconsin, yuav tsum tau tshaj tawm cov ntaub ntawv ntawm cov txiaj ntsig uas tus me nyuam tau txais rau tsoom fwv teb chaws nrab tau paub kom ntseeg tau tias cov me nyuam thiab tsev neeg xws li koj tau txais kev pab cuam uas muaj txiaj ntsig zoo tshaj plaws.


Cov txiaj ntsig tau los ntawm tus me nyuam pab rau cov cheeb tsam nroog thiab lub xeev kom nkag siab txog kev txhawb nqa thiab kev pab cuam thaum ntxov muaj txiaj ntsig zoo li cas:

- Pab rau koj tus me nyuam muaj kev loj hlob ib qib zuj zus.
- Pab koj tus me nyuam kom tau txais tej yam kev txawj ntse tshiab-tshiab.
- Tuaj yeem pab txhim kho kom tau yam zoo tshaj plaws los pab txhawb koj tsev neeg.

## COV NTAUB NTAWV HAIS TXOG COV TXIAJ NTSIG NTAWM TUS ME NYUAM

Cov ntaub ntawv hais txog cov txiaj ntsig ntawm tus me nyuam pab peb kom nkag siab txog seb yuav ua li cas thiaj li zoo rau tus me nyuam cov dej num uas tuaj yeem ua hauv txhua hnuv. Kuaj xyuas saib daim phiaj qhia txog cov txiaj ntsig tus me nyuam tau txais los ntawm Lub Khoos Kas Birth to 3 (Tus Me Nyuam Yug Kiag txog 3 Xyoos): [dhs.wi.gov/birthto3/reports/child-outcomes.htm](https://dhs.wi.gov/birthto3/reports/child-outcomes.htm)

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.



Lub Khoos Kas Wisconsin Birth to 3 (Tus Me Nyuam Yug Kiag txog 3 Xyoos) yog lub khoos kas thoob plaws hauv lub xeev. Txhua lub cheeb tsam nroog muaj lub luag hauj lwm los muab kev txhawb nqa thiab kev pab cuam rau cov me nyuam yaus uas pom tias muaj kev tsim nyog rau lub khoos kas uas nyob hauv lub cheeb tsam nroog ntawd. Cov txiaj ntsig uas cov me nyuam yaus tau txais yog yuav muab faib mus rau txhua cheeb tsam nroog txhawm rau los qhia txog qhov kev ua tau ntawm cov me nyuam yaus uas tau txias los ntawm Lub Khoos Kas Birth to 3 (Tus Me Nyuam Yug Kiag txog 3 Xyoos) hauv lawv cheeb tsam.

Lub xeev yuav los sau cov txiaj ntsig uas cov me nyuam yaus tau txais los ntawm txhua cheeb tsam nroog txhawm rau los ntsuas txog qhov kev ua tau tag nrho uas cov me nyuam yaus tau txais kev pab cuam thaum ntxov hauv thoob plaws Wisconsin. Cov txiaj ntsig tau txais thoob plaws hauv lub xeev no yog yuav raug muab xa mus rau tsoom fww teb chaws nrab Department of Education (Lub Tuam Tsev Hauj Lwm Saib Xyuas Kev Kawm).

**Kev ntsuas cov txiaj ntsig uas cov me nyuam yuav tau txais**  
Koj tus me nyuam uas nyob hauv Lub Khoos Kas Birth to 3 (Tus Me Nyuam Yug Kiag txog 3 Xyoos) yog ntsuas los ntawm peb qho tseem ceeb:

1. **Kev txawj ntse fab zej tsoom-kev xav (nrog rau kev sib raug zoo nrog zej tsoom)**
  - Koj tus me nyuam cuam tshuam nrog koj thiab lwm tus me nyuam li cas
  - Piv txwv: Luag ntshi rov qab rau tus neeg saib xyuas, ua si nrog lwm tus me nyuam yaus, coj cwj pwm ua rau lwm tus tuaj yeem nkag siab tau
2. **Kev kawm paub thiab kev txawj ntse (nrog rau cov lus thiab kev sib txuas lus thaum ntxov)**
  - Koj tus me nyuam tau tshawb nrhiav thiab tau kawm tej yam tshiab-tshiab, suav nrog kev sib txuas lus
  - Piv txwv: Saib phau ntawv, kev xyaum cov suab los sis cov lus, siv kev ua yam ntxwv kom paub xws li kev tsa tes los sis taw tes
3. **Koj tus me nyuam muaj peev xwm ua tau raws li lawv tus kheej xav tau**
  - Koj tus me nyuam txav mus los li cas, noj zaub mov, thiab saib xyuas lawv cov kev xav tau yooj yim li cas
  - Piv txwv: Nqa zaub mov los noj, kawm kev siv diav, kev zaum ces sawv los sis qhia tias tshaib plab

Peb cheeb tsam no tau sib txuas tag nrho. Lawv ua kom pab pawg IFSP pom tag nrho ntawm koj tus me nyuam txoj kev loj hlob seb zoo li cas.

## KOJ PUAS PAUB?

Pab pawg individualized family service plan (txoj phiaj xwm muab kev pab cuam rau tsev neeg ib tse zuj zus) (IFSP) txhawb nqa cov me nyuam yaus uas muaj kev loj hlob qeeb los sis xiam oob qhab thiab lawv tsev neeg. Pab pawg no suav nrog tsev neeg, service support coordinator (tus neeg lis hauj lwm txhawb nqa cov kev pab cuam), cov kws tshuaj ntsuam xyuas, cov kws muab kev pab cuam, thiab lwm tus kws tshaj lij los sis cov neeg tawm tswv yim thaum tsim nyog. Lawv ua hauj lwm sib koom tes ua ke txhawm rau los tsim thiab ua raws li txoj phiaj xwm tau npaj tseg.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.



## Qhov kev lis cov txiaj ntsig tau los ntawm tus me nyuam yog dab tsi?

Qhov kev lis cov txiaj ntsig uas tus me nyuam tau txais tsuas yog yuav tshwm sim ob zaug nkaus xwb thaum koj tus me nyuam nyob rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos):

1. Thaum twg koj tus me nyuam koom nrog lub khoos kas
2. Thaum twg koj tus me nyuam tawm ntawm lub khoos kas

Cov txheej txheem no qhia txhij txhua txog koj tus me nyuam txoj kev loj hlob thaum pib thiab thaum xaus lawv cov kev pab cuam. Pab kom koj thiab pab pawg IFSP nkag siab tias koj tus me nyuam tau kawm thiab loj npaum ntau npaum li cas.

Koj tus me nyuam qhov kev txawj ntse hauv peb qhov txiaj ntsig tau ntsuas yog yuav ntsuas raws li 1 txog 7. Cov lej no pab ntsuas seb koj tus me nyuam tab tom txhim kho kev txawj ntse raws li tau cia siab tseg ntau npaum li cas los sis yog tias muaj qee qhov kev txawj ntse qeeb.


Cov txheej txheem no yuav tsis piv koj tus me nyuam nrog lwm tus me nyuam hauv lub khoos kas no. Tsim nyog mas twb los piv koj tus me nyuam qhov kev txawj ntse nrog lwm cov me nyuam uas muaj kev loj hlob sib thooj thiab nyob rau tib ncuu sij hawm.

## Pab pawg IFSP ua cov txheej txheem no li cas?

Pab pawg IFSP ua hauj lwm ua ke txhawm rau los ntsuas koj tus me nyuam txoj kev loj hlob los ntawm:

- Soj qab xyuas koj tus me nyuam hauv ib cheeb tsam hauv txhua hnuv (tsev, chaw zov me nyuam, chaw ua si, khw muag khoom noj, thiab lwm yam).
- Sau cov tswv yim los ntawm cov neeg uas paub txog koj tus me nyuam zoo tshaj plaws—xws li koj thiab cov kws muab kev pab cuam saib xyuas kho mob.
- Sib tham txog seb koj tus me nyuam coj cwj pwm li cas hauv ib cheeb tsam sib txawv, xws li ntawm niam tais yawm txiv lub tsev, thaum lub sij hawm ua si, los sis ntawm cov nkees ua kis las txog kwv tij nkauj muam.

Los ntawm kev saib tag nrho cov ntaub ntawv no, pab pawg tuaj yeem ntsuas koj tus me nyuam txoj kev loj hlob thiab txiav txim siab seb lawv cov kev txawj ntse zoo li cas raws hnuv nyoog tsim nyog txhawm rau kom nkag siab lawv txoj kev ua tau zoo tshaj qub.



## Kawm paub ntau ntxiv txog COV TSEEM CEEB NTAWM KEV LOJ HLOB PAUB TAB

CDC npaj los qhia txog cov lus qhia uas muaj txiaj ntsig rau cov me nyuam txoj kev loj hlob paub tab tseem ceeb.

Tshawb xyuas ntawm no:

[cdc.gov/ncbddd/actearly/milestones/index.html](https://cdc.gov/ncbddd/actearly/milestones/index.html)

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.



## Koj tuaj yeem koom nrog hauv cov txheej txheem txiaj ntsig uas tus me nyuam tau txais li cas?

Koj yog tus kws tshaj lij ntawm koj tus me nyuam! Koj qhov kev soj ntsuam thiab cov tswv yim yog qhov tseem ceeb kom nkag siab txog koj tus me nyuam txoj kev loj hlob. Nov yog txoj hauv kev uas koj tuaj yeem koom nrog:

- **Qhia yam uas koj pom txhua hnuv:** Koj tau pom koj tus me nyuam txoj kev ua tau uas cov kws tshaj lij tsis tuaj yeem pom tau.
- **Piav qhia seb koj tus me nyuam tawm tsam li cas hauv ntau qhov xwm txheej:** Qhov no suav nrog hauv tsev, kev zov me nyuam, nrog cov neeg hauv tsev neeg, thiab hauv zej zog.
- **Tham txog koj tus me nyuam tej kab lis kev cai thiab tsev neeg li kev cia siab:** Txhua tsev neeg yuav muaj qhov tsis thooj leej twg, thiab kab lis kev cai sib txwv tuaj yeem muaj kev cuam tshuam rau tus me nyuam qhov kev loj hlob. Piv txwv li, nyob rau hauv qee cov kab lis kev cai, cov niam txiv tej zaum tseem yuav tau pub mov rau cov me nyuam mus ncuaj sij hawm ntev, uas qee cov kab lis kev cai mas twb cia kom cov me nyuam nws noj nws mov thaum hnuv nyoog tseem yau lawm.
- **Muab cov ntaub ntawv kev mus ntsib kws kho mob:** Qhov no tuaj yeem pab rau pab pawg neeg ua hauj lwm nkag siab txog koj tus me nyuam txoj kev loj hlob tag nrho.

Yog tias cov tsev neeg faib qhia cov ntaub ntawv ntau npaum li cas, ces kev ntsuas txog cov txiaj ntsig ntawm koj tus me nyuam tau txais yim raug thiab muaj txiaj ntsig siab! Kev muab qhab nias uas raug yuav pab cov tsev neeg, pab pawg IFSP, lub xeev, thiab tsoom fww teb chaws paub tias dab tsi ua tau hauj lwm zoo hauv kev cuam tshuam thaum ntxov thiab lub khoos kas tuaj yeem hloov pauv tau li cas.

## Kuv Yuav Kawm Paub Ntxiv Tau Li Cas?

- Tham nrog koj tus kws muab kev pab cuam los sis tus neeg lis hauj lwm saib xyuas kev pab cuam txog qhov txiaj ntsig uas tus me nyuam tau txais.
- Los koom nrog lub rooj sib tham ntawm Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) Interagency Coordinating Council (Cov Thawj Txiaj Txim Muab Kev Cev Ncauj Lus Hauv Txhua Qhov Chaw Hauj Lwm) (ICC) txhawm rau los mloog cov kev hloov kho tshiab ntawm lub khoos kas. Txhawm rau los kawm paub ntau ntxiv txog ICC, ces thov mus saib [dhs.wi.gov/b3icc/index.htm](https://dhs.wi.gov/b3icc/index.htm).
- Koom nrog ICC thiab qhia koj cov ntaub ntawv tseem ceeb txhawm rau los pab txhim kho cov kev pab cuam thaum ntxov thooj plaws hauv Wisconsin. ❖

## NCAUJ LUS DAIM ZWI QHIA HNUV

Koom nrog ICC lub rooj sib tham

Cov rooj sib tham uas yuav los txog tom ntej no:

- Lub Tsib Hlis Ntuj Tim  
9 ntawm Lub Roj Sib Tham  
Circles of Life (Kev Ua Neej  
Nyob Hauv Txhua Hnuv)
- Lub sij hawm sib tham, thov  
mus saib ntawm [dhs.wis.gov/b3icc/meetings.htm](https://dhs.wis.gov/b3icc/meetings.htm).

Pej xeev cov lus xam pom:

- Koj tau txais kev caw kom  
tuaj koom hauv txhua lub  
rooj sib tham txawm tias  
koj tsis yog tus tswv cuab  
ntawm ICC los xij. Muaj sij  
hawm rau pej xeev cov lus  
xam pom thaum pib ntawm  
txhua lub rooj sib tham.
- ICC pab ua kom paub  
tseeb tias Lub Khoos Kas  
Birth to 3 (Tus Me Nyuam  
Yug Kiag txog 3 Xyoos) pab  
txhawb nqa cov me nyuam  
yaus thiab cov tsev neeg.  
Koj cov tswv yim pab txhim  
kho lub khoos kas no.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Teb Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

## Tsev Neeg Qhov Zoo: Starra txoj kev taug nrog Lub Khoos Kas Birth to 3 (Tus Me Nyuam Yug Kiag txog 3 Xyoos)

Txhua tus me nyuam txoj kev taug muaj qhov sib txwv tsis sib thooj, thiab hais txog Starra lawm, qhov kev cuam tshuam thaum ntxov yog lub luag hauj lwm tseem ceeb los pab nws mus kom txog lub hom phiaj tseem ceeb. Nrog kev txhawb nqa ntawm nws tus kws kho fab kev hais lus, Danelle, thiab nws tsev neeg uas hlub tshua, Starra ua tau zoo heev yam tsis txaus ntseeg li nws tuaj yeem hais tau lus ceev heev. Nws zaj dab neeg yog ib qho kev mob siab rau, kev saib xyuas, thiab kev muaj yeej!

### Los pib nrog kev kho mob fab kev hais lus

Starra yug los nrog lub qa khoob qhov looj, uas yuav muaj teeb meem cuam tshuam rau kev hais lus. Thaum nws muaj 1 xyoos thiab 9 hli, nws niam nws txiv thiaj li txiav txim siab muab nws tso npe rau hauv Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) txhawm rau kom ntseeg tau tias yeej maj mam xyaum ua hauj lwm tas zog li. Qhov ntawd thiaj li ua rau nws tau ntsib nrog Danelle, uas yog nws tus kws kho mob fab kev hais lus hauv Cheeb Tsam Nroog Wood.

Danelle tau pib ua hauj lwm nrog Starra li ob zaug hauv ib hlis nyob rau hauv lawv lub tsev, qhov chaw uas nws hnov tau tias xis nyob tshaj plaws. Los ntawm kev muab kev txhawb nqa rau ib leeg nkaus xwb nyob rau tom Danelle lub tsev thiaj li tuaj yeem ua rau Starra muaj kev ntseeg siab rau nws txoj kev sib txuas lus thiab thiaj li ua rau qhov kev kho mob yog ib feem ntawm lub neej hauv niaj hnuv.

### Kev kov yeej cov teeb meem nyuaj nrog kev saib xyuas thiab kev txhawb nqa

Tsis ntev tom qab thaum pib kho, Starra tau mus phais zaum thib ob los kho nws lub pob qab khoob qhov. Thaum lub sij hawm no, Danelle tseem nyob nrog Starra, txhawm rau kho cov kev kho mob los pab kom nws rov qab zoo los tib lub sij hawm ntawd los tseem pab nws kom hais tau lus zoo.

Nrog rau kev mob siab rau thiab kev txhawb nqa, Starra maj mam ua tau zoo zuj zus. Nws niam nws txiv tau ua tsaug rau kev saib xyuas ntiag tug uas nws tau txais thiab txaus siab uas Danelle los kho Starra nyob rau tom nws qhov chaw nyob kiag—ua siab ntev, muaj kev tshaj lij kev taw qhia txhawm rau los txhawb nws txoj kev loj hlob hais txog kev hais lus.



Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.



## Ua kev zoo siab rau Starra qhov kev muaj yeej!

Tam sim no Starra tau muaj 3 xyoos lawm, nws kuj hais tau lus zoo li cov me nyuam yaus tib lub hnub nyoog ib yam—thiab tseem hais tau lus ntau heev nrog! Nws qhov kev kawm ua tau zoo heev tuaj yeem ua rau nws tsis tas yuav mus xyaum tom tsev kawm ntawv li lawm.

Starra niam thiab txiv zoo siab heev uas nkawv tus ntxhais ua tau lawm, thiab thov ua tsaug ntau rau Danelle thiab Lub Khoos Kas Birth to 3 (Tus Me Nyuam Yug Kiag txog 3 Xyoos) uas tseem pab tau nkawv tus me nyuam thiab.

“Peb txaus siab heev rau cov kev pab cuam uas Danelle tau pab rau peb tsev neeg—nws ua tau zoo heev txog yam uas nws ua! Ua tsaug rau nws txoj kev pab, Starra thiaj li muaj kev vam meej!” ❖

## Lub Khoos Kas Birth to 3 (Tus Me Nyuam Yug Kiag txog 3 Xyoos) Xav Tau Koj Lub Tsev Neeg Cov Dab Neeg thiab Duab!

All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyeem kom muaj kev lom zem nrog! Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas Birth to 3 (Tus Me Nyuam Yug Kiag txog 3 Xyoos).
- Ib qho piv txawv txog txoj hauv kev uas Lub Khoos Kas Birth to 3 (Tus Me Nyuam Yug Kiag txog 3 Xyoos) tau pab koj tsev neeg los sis tus me nyuam.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau [dhsbirthto3@dhs.wisconsin.gov](mailto:dhsbirthto3@dhs.wisconsin.gov) nrog "All in For Kids" rau ntawm kab teev lus qhia. Koj puav leej xa tau cov tswv yim dab neeg uas koj xav pom sau rau hauv daim ntawv xov xwm. Peb npaj siab xav hnob ntawm koj! ❖

## Cov kev pab muaj txiaj ntsig zoo rau cov tsev neeg

Wisconsin Tus Thawj Kav Xeev Tony Evers Tau Tshaj Tawm Tias Xyoo 2025 Yog Xyoo Ntawm Cov Me Nyuam: “Yog Tias Peb Xav Txhim Kho Peb Cov Me Nyuam Cov Txiaj Ntsig, Ces Peb Yuav Tsum Txo Lub Hwv Tsam.” Tus Thawj Kav Xeev Daim Ntawv Tshaj Tawm Txog Nyiaj Txiaj 2025-27 tau tsim los ntawm kev tswj hwm kev cog lus los ua qhov zoo tshaj plaws rau cov me nyuam yaus, txhawb nqa cov tub ntxhais hluas kev puas siab puas ntsws, ua kom ntseeg tau tias muaj dej nyab xeeb hauv tsev kawm ntawv thiab cov zej zog, thiab lwm qhov. ❖

## KOOM KOM TXAIS TAU PEB COV NTAWV EMAIL

Rau kev xa kom txog sai dua qub, sau npe nkag txhawm rau kom tau txais cov ntawv hauv tshuab hluav taws xob ntawm tsab ntawv xov xwm no thiab lwm yam email txog Lub Khoos Kas Birth to 3 (Tus Me Nyuam Yug Kiag txog 3 Xyoos).

Mus rau ntawm [dhs.wi.gov/aboutdhs/alerts.htm](https://dhs.wi.gov/aboutdhs/alerts.htm) thiab swb qis thiab nias rau qhov Lub Khoos Kas Birth to 3 (Tus Me Nyuam Yug Kiag txog 3 Xyoos) Cov Ntaub Ntawv rau Tsev Neeg.

Tsis txhob hnob qab qhia rau koj tsev neeg thiab cov phooj ywg hauv Lub Khoos Kas Birth to 3 (Tus Me Nyuam Yug Kiag txog 3 Xyoos) kom sau npe nkag nrog thiab!

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Saib daim ntawv tshaj tawm ntawm no: [content.govdelivery.com/accounts/WIGOV/bulletins/3ce3a56](https://content.govdelivery.com/accounts/WIGOV/bulletins/3ce3a56)

## Kawm Paub Ntau Ntxiv Txog Lub Khoos Kas Birth to 3 (Tus Me Nyuam Yug Kiag txog 3 Xyoos)

Phau ntawv qhia txog 1,000 Hnub ua ntej muab cov ntsiab lus qhia ntxaws txog lub khoos kas: [dhs.wi.gov/library/collection/p-02928](https://dhs.wi.gov/library/collection/p-02928).

Cov Kev Pab Cuam Rau Lub Khoos Kas Birth to 3 (Tus Me Nyuam Yug Kiag txog 3 Xyoos) ntawm phau ntawv qhia Lub Ntsiab Luv-Luv piav qhia txog kev txhawb nqa thiab kev pab cuam uas muaj: [dhs.wi.gov/library/collection/p-03011](https://dhs.wi.gov/library/collection/p-03011).

Early Intervention Services for Infants and Toddlers With Delays and Disabilities (Cov Kev Pab Cuam Kev Cuam Tshuam Thaum Ntxov rau Cov Me Nyuam Yaus thiab Cov Me Nyuam Nrog Kev Loj Hlob Qeeb thiab Kev Xiam Oob Qhab) hauv Wisconsin phau ntawv pab koj nkag siab tias kev cuam tshuam thaum ntxov li cas pab kom koj tsev neeg thiab tus me nyuam tau kawm paub thiab loj hlob ua ke: [dhs.wi.gov/library/collection/p-03022](https://dhs.wi.gov/library/collection/p-03022).

Tsab xov xwm All in for Kids (Tag Nrho Rau Me Nyuam) dhau los: Lub Khoos Kas Birth to 3 (Tus Me Nyuam Yug Kiag txog 3 Xyoos) muaj nyob hauv oos lais: [dhs.wi.gov/library/collection/akidsb-3-2024](https://dhs.wi.gov/library/collection/akidsb-3-2024). ❖

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm Saib Xyuas Kev Kawm), Individuals with Disabilities Education Act (Tsab Cai Hais Txog Kev Kawm rau Cov Tib Neeg Uas Muaj Kev Xiam Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.



All in for Kids (Tag Nrho Rau Me Nyuam): Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib tsab ntawv xov xwm sau tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) cov me nyuam thiab cov tsev neeg nyob rau hauv Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos).

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib txoj kev pab cuam tshuam ntxov rau cov me nyuam tsis nto hnub nyoog 3 xyoos uas muaj cov kev cob pob thiab cov kev xiam oob qhab thiab lawv cov tsev neeg. Txoj kev pab sib koom tes nrog cov tsev neeg txhawm rau los pab tus me nyuam txoj kev loj hlob thiab txhawb rau lub tsev neeg cov kev peev xwm, kev txawj ntse thiab kev rab peev xwm thaum lawv ua ub no nrog thiab tu tus me nyuam. Xav paub ntxiv, mus xyuas [dhs.wi.gov/children/index.htm](https://dhs.wi.gov/children/index.htm).

Para leer este boletín en español, visite [dhs.wi.gov/library/collection/akidsb-3-2025](https://dhs.wi.gov/library/collection/akidsb-3-2025). Xav nyeem tsab ntawv xov xwm no ua Lus Hmoob, mus xyuas [dhs.wi.gov/library/collection/akidsb-3-2025](https://dhs.wi.gov/library/collection/akidsb-3-2025).

For other languages (繁體中文, 简体中文, Deutsch, العربية, русский, 한국어, Tiếng Việt, Deutsch, සාමාන්‍ය, Français, Polski, हिंदी, Shqip, Tagalog, Soomaali): 608-266-5508.